



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : HO LAP COLLEGE (SPONSORED BY THE SIK SIK YUEN)

學校名稱 : 可立中學 (喬色園主辦)

Name of Play 劇名 : 紙 宅

Script writer 劇作者 : 可立劇社 (學生)

Synopsis 故事大綱

幾戶住在橋底的居民，因為不同的原因被迫住在紙皮屋內，他們守望相助，相處融洽。

可是他們卻不太受附近居民的歡迎，該區區議員亦因和地產商勾結想把他們趕走。究竟這幾戶

住在橋底的居民的命運怎樣呢？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(眾人起 着衫)

(播投影片) 起紙皮屋

榮哥小便，路人不滿

第一場

(鬧鐘響)

聰媽 聰仔 起身換校服喇

聰仔 Ng ...

(聰媽到屋外，然後練功夫)

榮哥 聰媽，咁早呀

聰媽 早晨榮哥，咁啦，你個套咩拳...吾緊要啦，你再教下我

榮哥 緊要，套拳叫做衡氣，活血，醒神，健腦操！hik hak hoo！勁吾勁？

聰媽 勁...其實呢你跟邊個學架？

榮哥 你係咪質疑我呀？開玩笑姐... 係黃飛鴻

聰媽 哇

榮哥 個徒弟豬肉榮

聰媽 哦

榮哥 嘅第十三代接班掌門人喺街坊福利會開既健體班果到學嘅

聰媽 下... (榮哥準備走)

聰媽 榮哥 你去邊？

榮哥 擺架撐開工，順便拎早餐比你地

聰媽 哦，吾洗客氣啦...(拍門)仔啊反學喇

(林太喊)

聰媽 林太你又做咩喊啊？ 出黎先啦

林太 唔出啊

聰媽 有老鼠啲

林太 下！老鼠呀！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

榮嫂 (跨過門前小便)吓，又有老鼠？d 鼠葯吾系好得啫

聰媽 無啦，無啦，走晒啦(向榮嫂打眼色)

榮嫂 哦

聰媽 榮嫂，你睇住林太先，我去叫聰仔

榮嫂 好呀

聰媽 (拉聰仔出來)聰仔，夠鐘返學啦

聰仔 我吾返呀

聰媽 我已經同學校講左，以後吾會再有同學蝦你架啦

聰仔 我吾番呀？

聰媽 你要番學校整機械人嘛

聰仔 系啫，好，我返學

榮哥 有早餐食

(眾人取橈坐下)

榮嫂 林太你點啊

聰媽 佢又掛住老公吖

榮嫂 佢有冇食藥呀？

聰媽 冇呀

榮哥 老婆！你當人地鬻架？

榮嫂 你咁大聲做咩(擺藥) 唉...你睇下你啦你咁嘅樣呀，你老公見到都唔會開心啦

聰媽 系羅，話唔定你老公就反黎呢

榮嫂 (榮嫂放藥在麵包內)林太食麵包啦

榮哥 老婆，你當人地盲架？放粒藥起塊麵包度

林太 我吾食藥呀

榮嫂 你吾好聽個衰佬講啦，邊有藥食姐，食麵包啦

聰仔 係呀林太太，食藥先會好番架聰媽：榮哥啊，d 麵包幾多錢，我比番你呀

榮哥 唔洗客氣！

榮嫂 衰佬，都話吾好咁大聲囉

榮哥 d 麵包系呀達哥賣剩吾要俾我...



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

聰媽 哦，聰仔，夠鐘啦，我地走啦

聰仔 我未食完

聰媽 一路行一路食啦

榮嫂 成包擲去啦

聰仔 咁吾好既？(成包拎走)

榮哥 我都要去開工

榮嫂 咁早邊有生意呀

榮哥 有！以前做到吾停手呀！

榮嫂 以前呀嘛！而家 d 人對鞋舊左就掉架啦，邊有人補鞋咩！個鞋架掉左佢啦！ 阻地方!

榮哥 呢個鞋架跟左我幾十年啦，靠佢養活成家，你識咩呀(離開)

榮嫂 都叫佢做地盤架啦

林太 系呀，做地盤賺多 d 呀

(警察入)

警察 1 喲，每次去到呢度街尾就要簽簿

警察 2 知道 Sir

榮嫂 有警察！(帶林太入屋)

警察 1 吾洗驚！唉，佢地真係好可憐，我以為我細個住木屋已經夠慘，估吾到而家有人要住紙皮屋(離開)

警察 2 呀 Sir, 佢哋喺度好耐囉嗶

警察 1 當睇吾到啦，你叫佢地搬去邊呀

警察 2 但係貼滿晒清拆令，我地系咪要....

警察 1 (語氣較重) 我話當睇吾到就睇吾到啦，行啦。

警察 2 係嘅阿 Sir。

(警察 1、2 走)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場

(社工敲門)

社工 聰媽

聰媽 李姑娘，你真系有心，又來探我

社工 系呀，要帶林太去睇醫生，順便探你地。你最近點？

聰媽 日日都要拉紙皮，搞到周身骨痛，好彩呀榮哥教左我幾招強身健體操

社工 你要小心 d 啦。系呢，聰仔適吾適應間新校既環境

聰媽 比以前好好多，都系多得你既幫忙轉左去呢間學校

社工 吾好客氣啦。

榮嫂 啲，跟李姑娘，公屋果度有好消息未呀

社工 無咁快既，我估都要等多兩三年

榮嫂 唉，上兩星期凍到呢..都吾知捱吾捱到過年

社工 嗯，下星期我會帶班義工來派毛毯比你地

榮嫂 咁就好囉

社工 (探頭入屋內) 林太，我來陪你去覆診架，記吾記得？你著多件衫啊，凍啊？

林太 我吾去睇醫生，我要等老公番來呀

聰媽 等我來。有老鼠呀！

林太 (衝了出來) 老鼠呀！又有老鼠

聰媽 懷疑姐

林太 又懷疑？

社工 無老鼠啦，我地而家去見醫生囉

林太 我無病，我吾去睇醫生呀

榮嫂 吾系睇醫生，系去搵你老公呀

林太 好啊

(社工把她帶走)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第三場

(議員入)

助理 對唔住呀議員，頭先帶呀爸去醫院覆診等左幾個鐘，所以遲左

議員 又睇醫生？你唔系要我一個人 on on 居居係啲咁嘅地方等嘛？

助理 唔會有下次

議員 記者呢？

助理 啱啱打咗電話，就快到。

議員 仲未到？你系咪想炒魷魚呀

助理 吾系吾系，我...系故意安排呢段時間比議員你綵排下點樣探訪班露宿者

議員 (笑) 古惑呀你，出年加你人工

助理 多謝議員

議員 好，我地去綵排囉 (退後)有冇帶...

助理 有冇帶咩呀

議員 空氣清新劑呀！

助理 有！有！（噴空氣清新劑）議員，空氣清新左好多啦

助理 議員！記者到喇

議員 大家好呀...阿，好耐無見你... 哦，你轉左報館呀...

好啦好啦，等我講下今次我探訪嘅感受...其實呢到真係好臭，唔係，呢到嘅露宿者真係好慘，一諗到佢地無依可靠，冇屋住，喺寒風中到瞓街，我真係於心不忍，不過放心，下次開會既時候，如果唔拉布嘅話，我會建議幫呢班露宿者改善居住環境！

(大喊) 我一定會幫佢地上樓架

助理 議員！議員！

議員 做咩呀！

助理 議員，佢地走晒啦，候任特首來呢到巡區呀...

議員 仲唔快啲追！！

夏山 (講電話) 個包租公真係好衰囉，欠佢幾個月租姐就烹我走...呢排嘅手氣真係差到



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

離譜...吾知住邊呀， 瞓街囉。。(見到紙皮屋) 有喇， 吾同你講住 (收線) (敲門)

榮哥 咩事！

夏山 (敲門) 冇人，(探頭入去見無人) 住呢度啦

(夏山入屋內)

第四場

聰仔 媽媽，我今日好開心呀

聰媽 系咪今日無人蝦你呢

聰仔 吾系呀，我參加左果個國際機械人設計大賽，你估吓

聰媽 你贏左呀？

聰仔 系呀，我贏左冠軍，遲 d 會去外國參加總決賽呀

聰媽 聰仔，呀媽真系以你為榮囉

聰仔 我要番去改裝下個機械人

(林太哭)

聰媽 你返屋企先，記住擺好個機械人呀，我去睇睇林太

聰仔 好呀。機械人...機械人

聰仔 呀！！ 媽媽屋企有個黑菇甩特機械人呀

聰媽 咩黑菇甩特機械人呀，等媽媽去睇睇(探頭入去) 嘩！唔係黑菇甩特機械人呀！係黑紋紋既男人呀！！

聰媽 hik..

聰仔 行氣活血醒神健腦操

聰媽 係呀！媽媽而家去打走佢

聰媽 hik! 你好出嚟啦下！我識功夫架...你係邊個！我話你知，人面咩都無，淨係得老鼠！！

林太 呀！！ 老鼠呀！！

聰媽 唔係老鼠呀！係有鬼呀！

夏山 有鬼呀！！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

聰仔 呀！！
場外 樓下班乞丐唔好吵啊，呢度係高尚住宅區黎喇！
聰媽 （大聲）得啊……（細聲）得…啊。
榮哥 發生咩事啊？街尾都聽到你地喺度嘈喇！
聰媽 呢個人霸左我間屋啊。
榮哥 豈有此理（耍功夫）（夏山暈了）

第五場

聰媽 天氣咁凍，打邊爐就最啱啦
榮嫂 系啦，個衰佬真系夠運，執到個爐同幾支 gas，d 香港人真系好大晒
榮哥 有野食，街市收爐，擺左好多瓜瓜菜菜番來
社工 喂！喂！喂！時間啱啱好
眾 李姑娘！
:社工 我帶左肉丸、烏冬來請大家食
聰媽 嘩，咁多野，我地比番錢你吖
社工 吾洗，好少錢姐，做冬緊系要食好 d
眾 又要你破費/ 吾好意思
社工 吾洗客氣...
林太 我有兩條咸魚，我老公買架，我拎埋出來囉
(林太起身去取，榮嫂去阻止她)
聰仔 吓？！咸魚？打邊爐食咸魚呀媽媽
聰媽 （shu...）
社工 咦？呢位系...
夏山 我叫夏山，新搬來
榮哥 我地 不打不相識，好人來既
夏山 多謝榮哥幫我整左間紙皮屋



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

社工 點解你會來到呢度住

夏山 唉，衰爛咁囉，而家無工做，無屋住

榮嫂 李姑娘好好架，你叫佢幫你搵份工呀

社工 Um...

夏山 我都明既...我戒左咁架啦...系呢，你地有工做點解要住呢度

聰媽 一個月賺果兩千幾蚊連湯房都租吾起啦，搬去邊

榮嫂 (望著榮)我都話申請綜緩架啦

榮哥 做人最緊要有骨氣，我有手有腳，靠自己！

聰仔 系呀！媽媽都系咁講架，靠自己

(警察經過)

聰媽 兩位呀 sir，今晚做冬都要行 beat

警 1 我地行 beat 無分咩節日既

榮嫂 天氣咁凍，過來食 d 野

警 1 吾洗客氣，你地慢慢食(繼續走)

眾 吾阻你

警 2 呀 sir， 佢地當街當巷生火打邊爐，可以告佢地阻街，拉晒返差館交差喎

警 1 我知，做警察最緊要系秉公辦理，但系佢地都系迫不得已先住起天橋底姐，今晚做冬，放佢地一馬啦

警 2 系，呀 sir

(區議員和助理帶著飯盒入，眾人望到她感煩厭，裝看不見繼續吃東西)

議員 呀 sir，madam，咁啱呀，我帶左鮑魚雞飯來，一齊食吓。

警 1 吾洗客氣啦，議員

警 2 系鮑魚雞飯喎，議員叫到無所謂啦

議員 啱，呢位警察姐姐新來架，好似未見過喎，系囉，一齊食啦，無所謂喎

警 1 吾洗客氣啦議員，我地做緊野，多謝

議員 都好，呢度幾個樓盤都系我 uncle 間公司投資既，巡多 d 治安好 d，樓價都高 d

(警察走)

助理 各位親愛既街坊，適逢冬至，本區區議員麥貞小姐，紆尊降貴，冒著寒冷既天氣，帶左熱辣辣既飯盒來探大家，請鼓掌

(區議員和助理帶著飯盒入，眾人望到她感煩厭，裝看不見繼續吃東西)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(掌聲冷落)

議員 系鮑魚雞飯，大家慢慢食

助理 (細聲) 議員，系仿鮑魚雞粒飯呀

議員 收聲！派飯盒啦！

(派飯盒，眾人不想接受)

議員 大家食野呀... (靜)

議員 幾個月無見，不如我地傾下計呀

林太 好呀，不如講下我老公呀！我老公行船架，佢琴日先上船。。吾係，好似係上星期定上個月

聰仔 係三年前呀契媽

林太 哦...

議員 啱，好似之前未見過你

夏山 我新搬來

議員 又多一個... 諗住住到幾時

夏山 我都想搬去第度住好 d，不過我無錢

議員 哦... 錢姐，好易解決 (笑)

聰媽 麥議員，你成日話會幫我地盡快上樓，但一直都無聲氣，究竟點架

議員 哦，我反映左架啦，不過吾知 d 社工點解無做野囉

社工 議員，我已經幫佢地申請緊特快公屋編配計劃，但系最快都要等兩三年

議員 兩三年！我點等得咁耐！我意思系佢地點等得咁耐，你又話有咩中轉屋計劃，可以幾個月內搬走既？

聰媽 李姑娘同我講過架啦，不過山卡啦咁遠，我個仔返學好吾方便

榮嫂 果度 d 治安出名差，我寧願住番呢度橋底

榮哥 呢度大家住得咁開心，緊系呢度好

議員 聽講呢度既居民話你地好影響佢地既生活，好吾歡迎你地

聰媽 我地已經盡量保持成條橋底乾乾淨淨

榮哥 我地一向奉公守法，無騷擾到 d 街坊

榮嫂 系囉，我老公好耐無起呢度呵尿啦

眾 係囉係囉，我地唔搬架

議員 你地班人收聲！敬酒唔飲飲罰酒，諗住好聲好氣買埋啲鮑魚雞飯請你地食，勸你地



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

走啦，估唔到你地竟然唔領情。你地真系唔見棺材唔流眼淚，你地咩，唔單只阻街呀，仲影響埋我 uncle 呢度 d 樓價

榮哥 哦! 我一早話左佢扮好人，另有居心架啦

議員 係呀，係又點咩。我幾個 uncle 都系附近幾個屋苑既發展商。我唔怕講埋俾你地聽，幾個月前洗街都係我搵人做既，點咩，你地班窮鬼可以做到啲咩丫，喺，唔好話我唔仁慈，一個月，一個月如果你地都唔搬，后果自負，祝你地出入平安！

(電話鈴聲)

議員 班人仲未搬嘅？快諗辦法搞掂佢啦！

助理 哦，知道

(電話鈴聲)

警察 扮睇吾到？我有咩好處... 好

(電話鈴聲)

夏山 吓，佢地對我好好架喎。。十萬蚊! 好，我做!

第六場

(社工逐家敲門)

社工 大家快點出來呀，區議會已通過左今個月清拆橋底嘅紙皮屋，我地要靜坐抗議，抗議官商勾結呀！

(眾出屋示威，夏山卻躲在屋內)

眾 抗議官商勾結！先上樓後清拆！

(夏山悄悄爬向紙皮屋處)

(夏山向屋點火)

警察 1 (向警察 2) 喂！個度係咪有個人影呀，佢放火呀，快 D 追啦

警察 1 喂！捉住佢啊

(夏山逃脫)

警察 1 你點解唔捉住佢呀

警察 2 我都見唔到有人跑過

警察 1 我翻去實寫你報告



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

警察 2 睇下到時邊個寫邊個報告

聰仔 媽媽，個度係咪火燭呀，個度好似係我地屋企啊，唔係喎，我個機械人係入面呀，
媽媽我要拎返個機械人呀

聰媽 唔準啊阿仔，唔準去

林太 我要拎返我老公張相啊!

榮嫂 老公，我要拎番你個補鞋架呀(衝向火場)

眾 吾好入去呀!

(警察 2 擋眾人入火場)

(聰仔，榮嫂，林太入)

林太 老公，我終於可以同你一齊啦

榮嫂 老公，我拎番你個鞋架啦...

聰仔 媽媽 我拎返個機械人...

(聰仔,榮嫂,林太死)

(拆 屋)

議員 cut 左佢，cut 左佢！我吾要呢咁 sad 既音樂！

各位市民，由於橋底有人打邊爐，導致火災，橋底既紙皮屋燒爛晒，住起果度既人終於搬走晒，而家呢度再吾會好似之前甘污煙瘴氣，臭氣熏天喇，我成功優化左呢度嘅環境，我係米好做得嘢呢！

大家記得尼緊 3 月份區議會選舉都要繼續支持我，我系麥貞議員，多謝！

(完)